



**Te dljia da Oies** é chësc l'orar nü dles mësses:  
mertesc,mercui y jöbia dales **20:00**  
vëndres y sabeda dales **16:00**.

Siur Pire præia dër bel düc chi che pò, **ëi y ëles**, da gnì a lavè la dljia y la çiasa dl Sant da Oies en lünesc, ai 03.06.2013.

**Informaziuns dal Sorvisc ai Joqn Val Badia:** al vëgn lascè alsavèi che al é çiamò posc por l'proiet "*isté deboriada*". Iscriziuns po gnì dades jö tla sënta dl Sorvisc al nr. 0474/523070.

**Referat dl "Netzwerk Schädelhirntrauma-Patienten"** adüm cun le Raiun Sozial Val Badia invia düc chi che à interès al "**Selbsterfahrungsabend**" cun Sir Lady Eisenhower en jöbia ai 30.05.2013 dales 19:30 tl Çiastel de Tor a S.Martin.

**L'Zenter Families "Ergobando"** lascia alsavèi che pro la incuntada ai 05.06.2013 dales 10:00 te súa sënta tla Çiasa dles Uniuns a La lla Alta vëgnel baié sura "*l'alimentaziun dl prüm ann de vita (der Beginn der Beikost)*". Düc é invià y informaziuns ciafëise pro Fiorella (339/6950036).

**Dis de cultura a La Val "Cultus"**

**26.05.13** - 16:00 Dljia Vedla:

*daurida dla mostra de crusc vedles y vijita dla dljia vedla*

**01.06.13** - 18:00 sö Runch:


*leteratöra cun Roberta Dapunt, J. Oberhollenzer y J. Zoderer*

**02.06.13** - 16:00 Dljia S.Berbor:

*referat „Mort y crusc“ de Pater dr.Ewald Volgger OT*

**Jun a pé cun l'KVW:** inviun düc en mercui, ai 29.05.2013 a gnì a fà la "Roda de Redant – Bienenweg". Piun ia da Pedraces dales 08:30 cun la coriera. Prenotese pro laco (0471/839772).

**L'Aministraziun dl Comun de Badia** tègn en lünesc, ai 27.05.2013 dales 20:00 te Çiasa Runcher na **riuniun zivica** a chëla che düc é bel invià. Al gnarà baié dandadüt dla roa, dl ampliamënt dla scola elementara a S.Linert y dla antëna a Pedraces. Al sarà incè presënt l' dr.Verdi dla Provinzia.




**Usc dla Cüra** **BADIA**

Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

**Nr. 26**

**Edema: 26.05 - 02.06.2013**



**DUMËNIA**  
**dla Ss.**  
**TRINITÉ**

**VANGELE dla FESTA DLES ANTLËS - Ann C** Lüca 9, 11b-17

Te chël tēmp ti cuntà Gejù al popul dl rēgn de Dî y varî düc chi che à de-bojëgn de so aiüt. Canche le dé jô a fin, él gnü i dodesc da d'ël y à dit: Ürtia demez la jënt, ch'ai vais ti païsc y ti lüsc incëria,y ciafes dailò alberch y val' da mangé; deache chilò sunse te n post desman. Al à respognü: Dedi os val' da mangé!

Ai à dit: I n'ün nia, ater co cin' pans y dui pësc; i messésson naöta jì nos in-stësc a ti cumprè da mangé a döta chësta jënt. Al é incër cin' mile ëi.

Al ti à respognü a sü discepui: Dijedi, ch'ai dess se sentè adöm te gröms da cincanta. I discepui à fat çí ch'al ti à dit, y à çiarè che düc se sentass. Gejù deperpo à tut i cin' pans y i dui pësc, à çiarè sö a cil, i à benedi y i à rumpi; spo ti ai àl dè ai discepui, ch'ai i partiss fora ala jënt. Y düc à mangé y é gnüs pasciüs. Do ch'an à albü coiü adöm i toç de pan avanzà, n'ël dodesc cësc.

## FUNZIUNS SACRES

### 26.05. FESTA dla Ss. TRINITÉ - *Dumènia dles families*

- 10.00 Mëssa por la Comunità  
 15.00 Prozesciun cun "Chël Bel Dî dala Crusc"  
 18.00 †to Alfred Rungg - aniversar  
 †to Friedl Castlunger - aniversar  
 †ta Clara Dapunt – aniversar y †ti de Cianacëi  
 por fam. Rosina y Paul Dapunt en ringraziamënt

### 27.05. Lünesc – *Mëssa cun i crejimà y studënc*

- 20.00 †ta Carmela Thaler  
 †ta Anastasia Schanung  
 por fam. Carolina y Milio Pizzinini

### 28.05. Mertesc

- 20.00 Devoziun de mà (arjignada ca dal grup Volontariat)

### 29.05. Mercui

- 07.25 †ta Stefania Irsara (dal KVW)  
 †to Alfonso Irsara  
 †ti Agata y Pasquale Irsara

### 30.05. Jöbia

- 20.00 Devoziun de mà (arjigna ca dal cor de dljia)

### 31.05. Vëndres


- 07.25 †to Friedl Valentin  
 †ti de Maria Ferdigg Tasser  
 †ti Mario e Annamaria Brunati

### 01.06. Sabeda


- 16.00 Mëssa a Oies

### 02.06. FESTA dles ANTLÈS - "CORPUS DOMINI"

- 10.00 Mëssa solena ciantada  
*Prozesciun Eucaristica cun 2 Vangeli*  
 18.00 †to Michil Irsara - aniversar  
 †to Lois Frena - aniversar  
 †ta Emma Valentin Frenademetz



## Dala VITA dla CÜRA



**Legio Mariae:** chësc grup se abina indô en jöbia, ai 30.05.2013 dales 14:00 te capela de colonia por n'ora de oraziun. Düc é dër bel invià.

**Referat:** l'Cunsëi de Cüra inviëia düc en mertesc, ai 28.05.2013 dales 20:30 te Ciasa Runcher olache siur Sepi Granruaz spigarà l'Benedictus.



**Conzert:** en vëndres, ai 31.05.2013 dales 20:00 te dljia de Badia saràl n conzert dl cor „cantus iuvenis“ da Viena. Düc é de cör invià.

**Iniziativa Europea dei cittadini "Uno di noi"** perché la dignità, il diritto alla vita e all'integrità siano riconosciute ad ogni essere umano fin dal concepimento. Por chësta iniziativa vëgnel tut sö firmes en dumènia, ai 26.05.2013 do les mësses te stüa di paurs. Recordun che al ó ester la cherta d'identité.



La Trinità non è  
 un problema matematico,  
 ma una formidabile storia d'amore!